

磁州志卷之五

知州析津蔣 擢重訂

營建

爲政之道在於休養生息豈敢以崇土木侈觀
美勞我民力乎然治其垣墉修其廨舍謹其蓋
藏興其都市廣其疏濬紀其繁盛亦守土者之
責也磁昔爲四戰之地今當子午之衢前人之
經營塗墍規制具存詳以紀之庶得因時而補
救其卽春秋重大役慎土功之意歟志營建

磁州志

卷之五 營建

城池

城築於趙簡子改築於隋開皇十年修於宋宗澤重
修於明洪武二十年知州包宗達礮土爲之至成

化間大雨傾圮知州張夢輔重築編修劉戡有
記正德十三年知州張珂重修萬曆二十四年

知州劉安仁改造外用磚甃內實以土至
國朝康熙二十四年知州任塾重修城圍八里二

十六步高二丈五尺廣一丈陴堞五尺堞三千
有奇原止南北二門知州劉安仁更闢東西二

門兼造四門樓正德六年知州顧正增南北二
重門嘉靖二十六年知州李用中增南北二月

城崇禎十一年巡道祝萬齡增東西二月城康
熙三十八年知州蔣擢重修四門樓併城券康

熙四十四年知州蔣擢重
修城牆馬道水口狼窩

壕深廣各二丈明正德六年知州顧正捐揮董日鑑
復濬深一丈闊倍之嘉靖四十二年知州栗永爵

增堤高一丈五尺廣一丈崇禎九年知州李爲
增堤高一丈八尺國朝康熙二十四年知
州任塾重濬導溢水入壕沿壕兩岸種柳二千
餘株以固堤身康熙三十九年知州蔣擢重濬
仍捐俸並勸同城文武
沿壕種蓮以壯觀瞻

公署

州署

在政化坊西隋開皇十年建歷元季毀於兵燹
明洪武三年知州周敏重建嘉靖四十二年知
州粟永爵修規制淺隘歲久將頽國朝康熙
二十二年知州任塾捐俸重修正廳三間比舊
增高二尺又加深廣顏曰清惠堂堂左東庫三
間堂右西庫三間東之左三間曰幕員廳西之
右三間曰謁候亭二處又爲收糧所兩廊爲吏
舍明天順間知州李劍建東西各九間至
國朝大半傾圮知州任塾撤舊重修又增建十二
間西九間康熙三十一年知州康善述重修東

磁州志

卷之五

營建

二

九間康熙三十九年知州蔣擢重修當甬道正
中爲屏門卽戒石亭改造屏門前爲儀門儀門
前爲大門大門之南爲屏牆大門內東首土神
祠三間寅賓館五間大門內西首隸卒房五間
以上俱知州任塾重修正廳後爲後堂知州謝
劍建康熙二十二年知州任塾重修顏曰鑒求
堂階左右廂房各三間後堂北爲知州宅康熙
四十三年奉文修葺州署以備

南巡

駐蹕知州蔣擢捐金修建因將規制擴充并修
兩衙宅署自東西街口建坊起至知州宅後更
道止共修建三百一十三間戒飭坊一座皂隸
房六間坊五座弘敞整齊迥與舊治不同其前
後次第左右布
置有圖見首卷

廨東韉道之左爲同知廨今廢改爲驛馬廐正
北住宿房五間東西號房四十二間馬棚四十
四間料房車房共八間康熙二十二年知州任
塾重修增房三間其南爲馬神祠祠南爲東監

房三間

廨西轄道之右為州判廨正廳三間廳前吏書
皂隸房各三間又前為中門大門廳後為州判
宅州判廨之南為吏目廨正廳三間東西廂房
各一間廳前為中門大門廳後為吏目宅吏目
廨之南為獄司獄神祠三間笞杖房二所徒流
房一所女婦監一所重刑室一所康熙三十一
年知州康善述修舊尚有鼓樓在儀門
東接遞馬房二十間在大門內今俱廢
申明旌善二亭 俱在州前明成化十八年知州張夢
輔建已廢康熙四十三年知州蔣擢

重建

東察院

在州治西係明布政分司後改
巡道衙門久廢今改常平倉

西察院

在東察院之右係明太僕分司後改都察院
衙門每歲秋冬巡撫移此駐防 國朝罷移

磁州志

卷之五

營建

三

駐之役遂改為西察院康熙二十三年知州任
塾修康熙三十八年知州蔣擢重修大門外屏
牆一座旗杆二根東吹手樓一座一間西鼓樂
樓一座一間大門三間寅賓館三間二門三間
東西角門各一間東西皂隸房共一十間大堂
五間堂東茶亭三間堂西書房三間堂後川廊
三小間上房五間東廚房四間西書房四間西
廁所二間康熙四十六年知州蔣擢遍加重修
城守都司署 在州治東與賢坊即明守禦千戶所衙
門洪武二十三年千戶陳泰建 國朝
順治四年改為都司衙門大堂三間東茶廳三
間西書房三間儀門三間大門三間堂西為箭
圃小廳三間堂
北為都司宅

磁營中軍守備署

在司前舖即明按察分司 國初
改巡道中軍衙門康熙二年巡道

裁改為磁營中軍衙門大堂三間東書房
三間儀門三間大門三間堂北為守備宅

陰陽學 在州治西今廢

醫學惠民藥局 俱在州治東今廢

僧正司 在大明寺

道正司 在城隍廟

車騎關巡檢司 在州治北三十里明洪武十四年知州章啓奏於車騎關設巡檢一員弓

兵五十名創立廨署圍以土城今缺裁廨署廢城牆殘缺兩門盡圯康熙四十二年知州蔣擢

因其舊址重建磚門二座上各創瓦房三間牆垣盡行修整屹然巖關矣

稅課司 在州東北半里今廢

盜陽驛 在州治東北一里明洪武二年同知李允建廳堂廚宅馬房監房公差駐宿房俱全

磁州志 卷之五 營建 四

朝裁驛歸州盡廢惟存徒夫房三間康熙三十九年知州蔣擢重修

通運所 在南關外明永樂十一年知州章士淳建今廢

鄉約所 在城內司後舖康熙四十六年知州蔣擢新設大門一座堂三間路東坊一座堂內儀位全設

皇華所 在南關敦化舖正廳五間大門一間門南馬夫房一間門北馬夫房二間大門內北廚房

二間大門南韉道之後為馬廄正東住宿房三間南北馬房六間康熙三十五年知州蔣擢重修

設

育嬰堂 在城內文昌閣後康熙四十五年知州蔣擢奉文特建

育嬰堂敘言 育嬰堂一所奉

言允憲臣之請通行天下郡邑而磁亦遵奉設立者也從來好生者天地愛子者父母獨至遺棄

女則天地不能遂其生父母不能保其愛勢之所窮無如何耳卽以磁一隅論伯此昇平盛世可謂民慶室家物無天札然而委巷窮鄉擔夫匹婦保無有饑寒疾苦棄溺子女之事司牧者旣以見聞不及而有媿父母之稱卽里井間有良民善士指紳先生見聞所及亦或惻然傷之而亦無策以平天地之憾今讀

憲檄所開大哉

王言旣飭有司酌捐日給而復聽紳衿士庶情願樂輸何其立法精詳用意深遠以人心之所同爲仁政之可久有如斯也奉文後查無空閒祠宇可以因便設立不得不相土興工獨力捐建今堂已告成急謀覓乳媪儲日給等事將與同城文武協捐銀米酌設規條務期實心奉行以仰副

皇仁而畱耕方寸用是備錄 憲檄以聞

紳士商民夫國有與設有司之責也而九重藹意乃及邦人夫亦

磁州志

卷之五

營建

五

聖天子與人爲善之大擢也敢不仰體敬告

同心至於或多或寡惟力是視爲有爲無各從其便擢非敢以公共之助寬一己之責也幸垂亮焉此啓

磁州正堂加二級蔣 爲請廣慈幼等事今將奉行育嬰堂事宜酌列規條於左

一奉捐日給卽官先捐銀十二兩米十二石其餘

部文凡紳衿士庶聽其情願樂輸不拘有無多寡

無致借端派索此捐輸銀米存貯堂內官役均不經手擇令耆老桑繡錦張縉易文龍張昌祥侯迺誓五人按季輪管司其出入官爲稽查不得浮冒尅減

一預先催覓乳婦凡城鄉民間有乳婦之家願領

嬰孩乳哺者本夫具呈到官查詢地方鄰佑乳婦果真令本夫出具認狀俟領孩到家之日爲始日給米一升銀一分計半箇月一領每遇朔望或本婦或本夫抱領嬰孩到堂查驗明白可

堂耆老給發銀米并給換嬰孩衣褥倘乳婦不用心乳哺驗有嬰孩受虐情弊卽行革退或乳婦別有事故本夫同耆老速卽稟官更換凡遇遺棄嬰孩該鄉保地方卽時收領送交育嬰堂耆老量備衣褥發給乳婦并着本夫具領送州存案該堂仍分別是男是女註明嬰孩生辰八字登立號簿以備稽查外催夫二名不時在於四鄉村落巡查遺棄嬰母使遺漏倘有拋棄已死嬰孩亦卽送堂深埋義塚同前一體登號查攷月給夫各工食銀六錢米三斗如敢虛冒躲嬾卽行革換

一 堂中專設醫生一名預備藥料如嬰孩有病卽爲診給方藥用心調治若係出痘出疹給與醫藥愈日仍賞給乳婦辛苦銀三錢倘有嬰孩病故該耆老查明無弊深埋義塚一體登號備查

一 本堂嬰孩或在乳哺之時或至二二三歲能穀食者稟許本地軍民人等當官領去男爲義子女爲義女養媳立案給照仍出具甘結附卷不得

磁州志

卷之五

營建

六

畜爲婢僕及鬻賣爲非等弊如有犯者鄉保地鄰舉報治罪倘狗隱不報發覺之日一體究處被棄養大嬰孩年至三四歲民間無有願領者仍在原領乳婦之家存活停其口糧工食惟日給孩童米一升鹽菜錢五文冬夏施以衣褲倘年至六歲以上仍無人收領男則送人義學謹書堂中耆老照管女到臨時官爲區處務使得所

一 奉行之始動支尙少日漸增益仰給浩繁除公捐樂輸外嗣後州境凡有空閒官地無主荒地河流灘地查出之日均行歸撥堂內收取租息以給工食其地畝界址數目除另册存案外仍行勒石以杜豪棍侵佔

一 凡所收公捐樂輸地租銀錢米草等項司堂耆老立簿請印一收一支登記明白毋致遺漏體混至司堂耆老經手一應事件果能勤慎精實心効力地方官給匾優獎或舉賓介以示獎勵

一常年豐歲棄嬰，寥寥倘遇歉歲，嬰多一時蒿目，亦未可定。地方官務必多為設法，全活無遺，以仰副

皇仁庶為克盡職守，擢固矢志力行，無敢或斁，惟願

後之職斯土者，敬承勿替焉。

一育嬰堂地基，東西濶十步，一小尺半，南北長三十一步，東至馬神廟，南至官街，西至高煥住宅，北至官地，共計地一畝三分三釐，舊係滄陽驛

地基。康熙四十五年五月內奉文設立育嬰堂，查無空閒祠宇，知州蔣擢清查此

地，獨力捐設，起建育嬰堂正房五間，大門一間，週圍依界築牆，外以

文昌閣下券門為出入口，街口特建坊一座。

一於康熙四十五年五月間撥歸堂內地畝，開後一本堂後，皇華所舊基官地一段六畝五分，南北

畛東至孫芝蓋侯，迺敬南至育嬰堂，高煥西至文廟北至文廟。

磁州志

卷之五

營建

七

一南大路西路溝官地一段，自五里鋪南至小橋起，至雙碑口止，南北畛地七畝六分，東至大路，南至

南大路西路溝官地一段，自六里橋起，至七里橋止，南北畛地九畝，東至大路，南至七里橋

西至李鶚北，至六里橋。南大路西路溝官地一段，自七里橋起，至八里橋止，南北畛地四畝，東至大路，南至八里橋

西至武先明北，至七里橋。南大路西路溝官地一段，自八里橋起，至九里橋止，南北畛地八畝五分，東至大路，南至九里橋

西至楊自德李學北，至八里橋。南大路西路溝官地一段，自九里橋起，至十里橋止，南北畛地四畝，東至大路，南至十里橋

七分七釐，五絲，東至許洸，南至姚體才，西至路北至樊士明。

一風雲雷雨壇外官地八畝，南北畛坐落南關與禮鋪東至賀昌基，南至白起，西至任柰，北至孔

道興社稷壇外官地七畝，南北畛坐落義莊村東至

社稷壇外官地七畝，南北畛坐落義莊村東至

壯路南至溝西至康桐王克仁董名儒北至馮大
 一 漳河灘地一段三十畝九分七釐四毫南北畛
 東至王中元南至河西至王作洪北至路
 一 漳河灘地一段八十畝南北畛東至王加有南
 至路西至李台北至王國臣
 一 漳河灘地一段十畝一分南北畛東至王九州
 南至路西至趙密北至路
 一 北大路東梁王橋北官地一段南北畛南濶二
 十三步北濶二十三步長八十八步計地八畝
 六分五釐東至武典南至出水溝西至大路北
 至武典內座墜臺占地一畝四分實在地七畝
 二分五釐

磁州志

卷之五 營建

八

倉廩

預備倉 卽常平倉在州治東北廩房八十五間明嘉
 靖四十三年知州栗永爵建三十餘間今廢
 水盈倉 在州治北觀音堂舖明正德十二年
 知州張珂建廩房五十餘間今廢

義倉 在彭城 鎮今廢

社倉 在高輿 鎮今廢

新建常平倉 地基卽巡道署後改東察院今改常平倉舊有廩房三座一十六間年久損壞

康熙三十二年知州康善述修補又於康熙三十三年因奉文均貯米穀倉廩不敷詳奉

上臺飭令赴開封府於各官公捐銀內領銀二百兩再於本倉基內新建廩房四座共二十間

軍器庫 在州治東巡道舊衙門後今廢

樓亭

天中第一樓 卽譙樓在滄陽坊明弘治十二年知州章啓建築土壘石爲高臺下留深衙通

車馬臺上建重樓三間左右鐘鼓樓各一間爲一城壯觀歲久傾圮 國朝康熙二十四年知

磁州志

卷之五

營建

九

州任塾修康熙三十八年知州蔣擢重修

景嵩樓 卽南門樓今名又題曰南天星斗

拱極樓 卽北門樓今名又題曰北門鎖鑰

迎旭樓 卽東門樓今名又題曰東關紫氣康熙三十一年知州陳以遠捐俸改建奎樓

慶成樓 卽西門樓今名又題曰西嶺雲霞磁之山多在西也以上四樓康熙二十四年知州任塾

修康熙三十八九兩年知州蔣擢重修

見山樓 元人張煥文建以望太行諸山

奎樓 在城上東南隅明萬曆四十六年知州牛維赤建

文昌閣 一在儒學東卽滄陽驛門樓改造康熙三十七年知州蔣擢重修一在東門外石橋西卽

聚星樓改造一在南關之南康熙三十六年知州蔣擢建一在北關外康熙二十九年知州陳以遠建

慈雲閣

在南津橋南康熙二十四年知州任鑿建

卓荪亭

元叅政安祜建

澄源亭

在州西臨水里澄水出其下

采芹亭

在修義坊舊學宮之前今廢

綠野亭

在城西五里鄉賢羅綺建今廢

觀稼亭

在北關外二里許舊名賞蓮亭康熙二十二年知州任鑿更今名大門一間二門三間大

廳三間廳後東房三間西亭三間廚房一間門以內竹栢盈階花香鳥語門以外平疇溝水柳

磁州志

卷之五

營建

十

月荷風誠遊觀勝地歷十餘年傾圮殆盡康熙三十六年知州蔣擢重修建石橋二座補種莢柳蒨菱香風十里行人如入畫圖中矣

郵亭

共四座康熙二十四年巡撫都御史王公諱日藻捐貲創建備極壯麗一在城南十里西陳里

東向正屋三間奉白衣大士左右客座三間住房二間外大門三間顏曰補陀巖門北茶棚三

間大道綠陰蔽芾中有闔州士民樹王公羣黎渥澤碑一在城北十里蒲申舖南向正屋三間

祀關莊繆左右客座三間住房三間外大門三間顏曰蓮華國門東茶棚三間繞岸芙蓉渠沿堤

高佛宛然一綠野丹丘也橋北道傍有遠近商客樹王公近說遠來碑一在車騎關北向正屋

三間祀漢壽亭侯客座二間住房四間外大門三間即顏曰漢壽亭門西茶棚一間前眺平野

後枕雄關岡巒起伏映帶左右官亭之最得形勢者一在小張兒庄西向正屋三間奉準提像

康熙三十九年知州蔣擢於正屋後增修三間奉白衣大士像四十四年又增修南北房各三間左右客座三間住房三間外大門三間顏曰準提閣門南茶棚三間從邯鄲入中州界纔三里許至此覺頓然改觀四亭召僧居之各置腴田百畝付之耕種收穫辦香燈供行旅茶湯凡長途倦客望之如歸茗飲解煩勝得甘露兼士女瞻仰倍生敬信而戍卒相依又得伺察往來之便一舉而數善備焉以上四亭顏廢已久僧道遠去地歸附近居民康熙三十五年知州蔣擢重修查追原地召僧耕種糧係捐俸代納凡所收穫以供香火仍捐金冬夏施茶湯以濟行旅并飭戍卒歸泚地不許擾累

御射碑亭

在北關外五里許

康熙四十二年

皇上西巡歷晉秦入豫十二月九日

磁州志

卷之五

營建

十一

駕至磁州

幸行宮御膳畢是日擬

駐蹕杜村之南駕行至北郊五里許

止輦將

乘馬親佩弓矢遐眺俯矚見路旁柳樹遂指為的

御射三巡三中嗣

命皇太子暨三貝勒十三阿哥同射一巡又

命侍衛大臣同射一巡每發必中

天顏有喜一時臣民瞻仰歡聲雷動誠為

千載盛事因培護嘉樹修路疊橋建

智聖

神武二坊撫臣徐漸為文勒碑恭紀其盛爰建碑亭

文見藝

文志

坊表

羣英坊

在滏橋南明隆慶間建上題本州鄉會兩科姓名今廢

兩河重鎮坊 在滏橋北知州秦邦彥建今廢

翰林坊 為學士蘭從善建今廢

都憲坊 為侍郎羅綺建今廢

父子進士坊 河南御史羅昂為御史紀傑副使紀純父子建

恩榮坊 為戶部員外俎瑀建

五馬坊 為知州李盛建今廢

雙棟坊 為池州知府李宏秋道知縣李宇建

八科進士坊 為員外王達侍郎羅綺御史紀傑副使葛覃御史王泮員外俎瑀胡

經建今廢

磁州志

卷之五

營建

十一

四俊坊 為舉人李宇張朴李盛張克恭建今廢

三彥坊 為舉人張郎葛覃王潺建今廢

登雲坊 為舉人李彥成建今廢

騰蛟坊 為舉人王潺建前廢康熙三十七年重修

起鳳坊 為舉人王濬建前廢康熙三十七年重修

文明坊 一為進士葛覃建一為舉人李聰建今俱廢

經元坊 為春秋魁胡經建今廢

世科坊 為舉人郭九成郭聰建今廢

獨步雲衢坊 為舉人郭鏡建今廢

聯步登瀛坊為進士

奎光坊為舉人楊濟建今廢

登瀛坊為舉人許一貫建今廢

登科坊為舉人李梁建今廢

騰霄坊為舉人楊寅建今廢

都諫坊為戶兵二科都給事中李己建

龍章三錫坊為誥封李百之建

三鎮元戎坊明萬曆年為總兵王化熙建

天朝忠節坊明萬曆年為總兵王化熙建

磁州志 卷之五 營建 三

盛世銓衡坊明萬曆年為吏部常守信建

清朝偉望坊明萬曆年為北直井陘道常守信建

三秦鎖鑰坊明萬曆年為潼關兵備道常守信建

清朝甲第坊明萬曆年為淮上常守信建

龍袞雙封坊為樂至縣知縣張仁聲

黃門侍御坊為禮科給事中張鏡心誥封張仁聲建

兄弟父子司馬坊為兵部侍郎張鏡心誥封張仁聲

貞節坊二一為生員梅贊妻武氏建一為千戶武鐸妻于氏建今俱廢

貞烈坊為劉三友妻張氏建今廢

義民坊為索文德捐穀建
育嬰堂牌坊康熙四十五年建

雜建

演武廳

在南關外一里許週圍三百餘步正廳三間
後樓三間左右廂房各三間左右耳房各一
間將臺一座高一丈許砌以磚石上豎旗杆威
武坊一座在西面嘉靖四十二年知州栗永爵
修葺四圍遍植桑柳六千餘株士馬操練以休
息焉歲久廳樓將臺盡圯康熙四十二年知州
蔣擢同都司楊威武守備王
丑重建正廳五間將臺一座

官罈廠

在南關石橋東後移琉璃村旋復旋移又再
復故處彭城廠在滏源里明制於此設官罈
四十餘座歲造磁罈堆積官廠舟運入京
納於光祿寺 國朝改徵折色廠遂廢

養濟院

在城司前舖康熙四十六年知
州蔣擢重修特設牌坊一座

磁州志

卷之五

營建

古

漏澤園

明嘉靖七年西陳里義官楊和於南關外路
東施地五畝嘉靖四十三年知州栗永爵於
南北兩關路西各置地三畝萬曆十三年知州
張夢麟於北五里舖增置四畝八分康熙三十
六年知州蔣擢查出常家庄地八畝七分岳城
地一畝二分彭城鎮地一十三畝二分八毫辛
家庄地一畝六分各

立義塚碑漏澤園坊

棲流所

在彭城鎮西南坐落丁家庄地方康熙四十
一年知州蔣擢因彭城地方有山西一路流
丐到境時值隆冬往往棲宿密內廟中多致斃
命鄉地紛紛呈報乃捐俸設立空屋三間凡真
正流丐來到者鄉保地方一面即時安插一面
查明姓名籍貫年貌來歷到境月日報官存案
每人每日官給錢三十文一月一發保地領錢
按名給散仍取領狀附卷以防詐冒自十月起
至二月終止外又查照人數量給草束鋪地以
便臥宿并查單衣無棉者按給棉衣一件自是

外來流丐有所棲
止爰名棲流所云

磁州志

卷之五

營建

五

